

Bombe kod Njemačkog konzulata i Vlade RS

27/09/2009 11:57 by Administrator

Iz policije tvrde da je oružje nađeno u blizini diplomatskog predstavništva SIPA: Bomba je bila prekoputa, gdje se nalazi zgrada Vlade RS. Tri ručne bombe i kutija sa 15 metaka, kalibra 7,62 milimetra, pronađeni su jučer uz samu ogradu Njemačkog konzulata u Banjoj Luci, koji se nalazi odmah prekoputa zgrade Vlade RS, saznaje "Dnevni avaz".

Podaci iz CJB

Municija, kako nam je nezvanično potvrđeno u banjalučkoj policiji, nije bila na tom mjestu u jutarnjim satima, nego ju je pripadnik SIPA-e, koja osigurava ovu ustanovu, našao oko 13.30 sati, a potom odmah obavijestio banjalučku policiju.

U Vladi RS nam je nezvanično potvrđeno da nisu obaviješteni o oružju koje je pronađeno u neposrednoj blizini zgrade.

Podaci koje smo jučer dobili u CJB Banja Luka potpuno se razlikuju od onih koje nam je potvrdila portparol SIPA-e Anđelka Kojundžija. Iz banjalučke policije navode da su "dojavu o bombi primili u 13.55 sati od radnika SIPA-e, koji osigurava konzulat, nakon čega su odmah izašli na lice mjesta".

Ko vodi istragu

- Oružje je u plastičnoj vrećici nađeno uz samu ogradu konzulata. Odmah smo obavili uviđaj, a oružje je uklonila služba Civilne zaštite. Okolnosti pod kojima se to dogodilo ispituje SIPA jer je ona nadležna za osiguranje zgrade. Vrlo je moguće da je neko namjerno odložio oružje kako bi izbjegao plaćanje kazne ukoliko se ono našlo kod njega - izjavila je za "Dnevni avaz" portparol CJB Banja Luka Gospa Arsenić.

Nezvanično saznajemo i da je banjalučka policija povelu istragu, posebno zbog činjenice da je oružje odloženo baš na ovoj lokaciji.

- Bombe i municija nisu bili kod konzulata, nego prekoputa konzulata, u kanti za smeće, a vi bolje od mene znate šta se tačno nalazi prekoputa konzulata - rekla nam je Kojundžija.

Ona nije željela komentirati navode koje smo dobili u policiji, ističući da je radnika osiguranja otkrio oko 13 sati obavijestio radnik "Eistoće", a on je to prenio policiji.

Kutija i plastična vrećica

Prema nezvaničnim podacima, bombe i municija bili su u kutiji i plastičnoj vrećici te odloženi tako da se baš ne primijeti sa glavne ulice.

U Njemačkom konzulatu jučer popodne nismo uspjeli nikoga dobiti, a niko se nije javljao ni u Ambasadi te zemlje u Sarajevu.

Autor: V. STEVANOVIÄ†

Izvor vijesti: Dnevni Avaz